

保赤彙編

高心夔署纂

S255

71844



附方

閻孝忠

余家幼稚多疾率用錢氏方訣取效如神因復研究諸法有得于心如驚疳等錢仲陽之未悉者今見於下并以仲陽傳附卷末

小兒急慢驚古書無之惟曰陰陽癇所謂急慢驚者後世名之耳正如赤白痢之類是也陽動而速故陽病曰急驚陰靜而緩故陰病曰慢驚此陰陽虛實寒熱之別治之不可悞也急驚由有熱熱卽生風又或因驚而發則目上目劄涎潮搐搦身體與口中氣皆熱及其發定或睡起卽了了如故此急驚證也當其搐勢漸減時與鎮心治熱藥壹貳服

直訣中麝香圓鎮心圓抱龍圓
辰砂圓及至寶丹紫雪之類
候驚勢已定須臾

以藥下其痰勢
直訣中利驚圓軟金丹桃枝
利下

痰熱心神安甯即愈慢驚得於大病之餘吐瀉之

後或候取轉致脾胃虛損風邪乘之
凡小兒吐瀉

驚宜速治似搖而不甚搖
此名瘳癇似睡而精神慢四肢與

口中氣皆冷睡露睛或胃痛而啼哭如鷄聲此證

已危蓋脾胃虛損故也

凡小兒吐瀉當溫補之余每用理中圓以溫其中以

五苓散導其逆
五苓散最治小兒吐連與數服兼用異功散

等溫藥調理之往往便愈若已虛損當速生其胃

氣宜與附子理中圓研金液丹末煎生薑米飲調

灌之惟多服乃效

服至貳叁兩無害

候胃氣已生手足漸

暖陰退陽回然猶瘕瘕卽減金液丹壹貳分增青
州白圓子壹貳分同研如上服以意詳之漸減金
液丹加白圓子兼用異功散羌活膏溫白圓鉤藤
飲子之類調理至安依此治之仍頻與粥雖至危
者往往死中得生拾救捌玖

金液丹治小兒吐瀉虛極最妙沈存中良方論金液
丹云親見小兒吐利劇氣已絕服之復活者數人
真不妄也須多服方驗

驚風或洩瀉等諸病煩渴者皆津液內耗也不問陰
陽宜煎錢氏白朮散使滿意取足飲之彌多彌好

凡小兒急驚方搐不用驚擾此不足畏慢驚雖靜乃危病也急驚方搐但扶持不可擒捉蓋風氣方盛恐流入筋脉或致手足拘攣

治急慢驚世人多用壹藥有性溫性涼不可泛用宜審別之又治慢驚藥宜去龍腦縱須合用必以溫藥爲佐或少用之

凡小兒實熱疎轉後如無虛證不可妄溫補熱必隨生

治小兒驚風痰熱堅癖能不用水銀輕粉甚便如不得已用之僅去疾卽止蓋腸胃易傷亦損口齒

治小兒壯熱昏睡傷風風熱瘡疹傷食皆相似未能



辨認間服升麻葛根湯惺惺散小柴胡湯甚驗蓋此數藥通治之不致悞也惟傷食則大便酸臭不消化畏食或吐食宜以藥下之

小兒耳冷翳冷手足乍冷乍熱面赤時嗽嚏驚悸此瘡疹欲發也未能辨認間服升麻葛根湯消毒散已發未發皆宜服仍用胡荽酒黃蘗膏暑月煩躁食後與白虎湯玉露散熱盛與紫雪咽痛或生瘡與甘桔湯甘露飲子餘依錢氏說大人同

小兒多因愛惜過當往往參兩歲未與飲食致脾胃虛弱平生多病自半年以後宜煎陳米稀粥取粥面時時與之拾月以後漸與稠粥爛飯以助中氣

自然易養少病惟忌生冷油膩甜物等

小兒治法大槩與大人同惟劑料小耳如升麻葛根湯惺惺散等雖人皆知之倉卒亦難檢今並載于下錢氏已有方者今不復錄

升麻葛根湯治傷寒溫疫風熱壯熱頭痛肢體痛瘡疹已發未發並宜服之

乾葛

細剉

升麻

芍藥

甘草

剉炙各等分

右同爲龕末每服肆錢水壹盞半煎至壹盞量大小與之溫服無時

惺惺散治傷寒時氣風熱痰壅咳嗽及氣不和

桔梗

細辛去葉

人參切去頂焙

甘草剉炒

白朮

白茯苓去皮

括蘘根各壹兩

右同爲細末每服貳錢水壹盞入薄荷伍葉煎至

柒分溫服不拘時如要和氣入生薑伍片同煎壹

法用防風壹分用川芎壹分

消毒散治瘡疹未出或已出未能勻遍又治一切瘡

涼膈去痰治咽痛

牛蒡子貳兩剉炒

甘草半兩剉炒

荊芥穗壹分

右同爲麤末每服叁錢水壹盞半煎至壹盞溫服

不拘時

黃蘗膏治瘡疹已出用此塗面次用胡荽酒

黃蘗

去麤皮
壹兩

甘草

肆兩

新菜豆

壹兩半

右同爲細末生油調從耳前至眼輪並厚塗之
日
叁兩次如早用瘡不上面縱有亦少

胡荽酒

胡荽

細切肆兩以好酒貳盞煎壹兩沸
入胡荽再煎少時用物合定放冷

右每吸壹兩口微噴從頂至足勻遍勿噴頭面病
人左右常令有胡荽卽能辟去汗氣瘡疹出快

瘡疹忌外人及穢觸之物雖不可受風冷然亦不
可擁遏常令衣服得中并虛涼處坐臥

治瘡疹出不快及倒癩四聖散

紫草茸

木通

剉

甘草

剉炒

枳殼

麩炒去穢

黃耆

切焙等分

右同爲麤末每服壹錢水壹中盞煎捌分溫服無時

又方藍根散

板藍根

壹兩

甘草

叁分剉炒

右同爲細末每服半錢或壹錢取雄雞冠血叁兩點同溫酒少許食後同調下貳方無證勿服

治瘡疹倒撮黑陷

人牙

燒存性研入麝香少許

右每服叁錢溫酒少許調下無時



又方

小豬兒尾尖

取血參伍點研入生龍腦少許

右新水調下食後

治伏熱在心昏瞶不省或悞服熱藥搐熱冒昧不知人及瘡疹倒撮黑陷

生梅花腦子

研半字或壹字

右取新殺豬心壹箇取心中血同研作大圓用新汲水少許化下未省再服如瘡疹陷伏者溫酒化下

甘露飲子治心胃熱咽痛口舌生瘡并瘡疹已發未發並可服又治熱氣上攻牙齦腫牙齒動搖



生乾地黃

焙秤

熟乾地黃

焙秤

天門冬

麥門冬

各去心
焙秤

枇杷葉

去毛

黃芩

去心

石斛

去苗

枳殼

去穢
炒

甘草

炒

山茵陳葉

右各等分爲麤末每服貳錢水壹盞煎捌分食後

溫服牙齒動搖牙齦腫熱含嗽凖并服

白虎湯解暑毒煩躁身熱痰盛頭痛口燥大渴

知母

壹兩半
焙乾秤

甘草

半兩
剉炒

石膏

肆兩

白粳米

捌錢

右同爲麤末每服叁錢水壹盞煎至捌分食後溫

冷隨意服氣虛人加人參少許同煎



瘡疹太盛宜服此調肝散令不入眼

生犀 剉取末 壹分

龍膽草 半錢

黃耆 半兩 切

大黃 去皮 貳錢

石膏 半兩

桑白皮 自焙 乾

鉤藤鉤子

麻黃 去節 各壹分

括婁 去皮

甘草 炙各等分

右為龕末每服貳錢水壹盞煎半盞食後時時溫

服少許

治瘡疹入眼

馬勃 半兩

皂角子 拾肆箇

蛇皮 半兩

右入小罐子內鹽泥固濟燒存性研細溫酒調下

壹貳錢食後服



又方治瘡疹入眼成翳

括萇根

半兩

蛇皮

貳錢

右同爲細末用羊子肝壹箇批開入藥末貳錢煎
纏定米泔煮熟頻與食之未能食肝令乳母多食

又方

蟬殼

末

右用水煎羊子肝湯調服貳叁錢

凡痘瘡才欲著痂卽用酥或面油不住潤之可揭
卽揭去若不潤及遲揭瘡痂硬卽隱成癍痕

治口瘡

大天南星

去皮只取中心如
龍眼大爲細末

右用醋調塗腳心

治癰耳

白礬

火飛壹錢

麝香

壹字

坯子烟脂

染烟脂也壹錢

右同研勻每用少許先用綿裹杖子振淨搽之

治蓄熱在中身熱狂躁昏迷不食

豆豉

半兩

大梔子仁

柒箇搥破

右共用水叁盞煎至貳盞看多少服之無時或吐

或不吐立效

治蟲咬心痛欲絕

五靈脂

末貳錢匕

白礬

火飛柒錢匕

右同研每服壹貳錢水壹盞煎伍分溫服無時常

吐出蟲

治脾胃虛寒吐瀉等病及治冷痰

齊州半夏

湯浸柒次切焙壹兩

陳粟米

叁分陳梗米亦得

右咬咀每服叁錢水壹大盞半生薑拾片同煎至捌分食前溫熱服

治外腎腫硬成疔

乾蚯蚓

為細末

右用唾調塗常避風冷濕地

小兒腹中極痛乾啼後偃名盤腸內弔鉤藤膏

沒藥

研

好乳香

水中坐乳鉢研細秤

木香

薑黃

各肆錢

鼈子仁

拾貳箇

右先將下叁味同爲細末次研入上貳味煉蜜和成劑收之每壹歲兒可服半阜子大餘以意加減煎鉤藤湯化下無時次用魏香散

魏香散

蓬莪朮

半兩

眞阿魏

壹錢

右先用溫水化阿魏浸蓬莪朮壹晝夜焙乾爲細末每服壹字或半錢煎紫蘇米飲空心調下

地黃散治心肝壅熱目赤腫痛生赤脉或白膜遍睛四邊散漫者猶易治若暴遮黑睛多致失明宜速用此方亦治瘡疹入眼